

亭  
林  
詩  
集

亭林詩集卷之四

元旦

己下略  
陽草閣

平明遙指五雲看，十九年來一寸丹。  
合見大公還晉國，應隨蘇武入長安。  
驅除欲淬新劒，拜舞思彈舊賜冠。  
更憶堯封千萬里，普天今日望王官。

莊子今臣之刀十九年矣所解  
數千牛矣而刀刃若新發於硎

霍山

霍山古帝畿，崔嵬據汾左。  
東環太行趨，北負恒山坐。  
幽泉迸雷出奇峰，挾雲墮百物。  
饒姿容，名花獻千朵。  
廟食當山阿，重門奠磊砢。  
像設猶古先，冠裳蒙掘堞。  
春雪覆松杉，堂基對蓬顯。  
主守各散亡，空室無一鎖。

五鎮稱副嶽亦能降淫禍豈忘帝王朝時陟高山隋  
泰稷既非馨趨將况云情神人二失職庶事交叢脞  
有寺號與唐近在祠東堦昔日義旗來列宿紛紛侈  
更念七雄時晉卿特么麼茫然二節竹刻期兆猶果  
寶命何邇封四荒無不可再拜霍山神惟神實知我

舊唐書高祖紀師次霍山隋武牙郎將宋老生屯霍邑以拒義師會霖雨積旬饋運不給有白衣老父詣軍門曰余爲霍山神使謁唐皇帝曰八月雨止  
路出霍邑東南晉當濟師高祖曰此神不欺趙無郵置負我哉八月辛巳高  
祖引師趨霍邑斬宋老生史記趙世家襄子奔晉陽原過交後至於王澤  
見三人自帶以上可見自帶以下不可見與原過竹二節莫過口爲吾以是  
遺趙母即原過既至以告襄子襄子齋三日親自剖竹有朱書曰趙毋師余  
霍泰山山陽矣天使也三月丙戌余將使女反滅知氏女亦立我百邑余將  
與女齊之也子孫并知氏遠祖三神於百邑使原過立霍泰山祠祀  
左傳昭九年吾何邇封之有閼雅  
叙於是戶西王母日下謂之四荒

### 書女媧廟

吁嗟乎三代以後天傾西北不復補但見悲風淅淅  
吹終古日月星辰若綴旒赤黃青白交旁午北極偏  
高南極低四時錯迕寒暑城淪洪水海成田六鼇  
簸蕩中流柱羲和益稷不任事畫州造厝迷堯禹彎  
弓不射九日落蒼蒼列象生毛羽仁人志士久鬱邑  
精衛空費西山土排天門盪地戶見天皇與天姥五  
色之石空編爛道旁委棄無人取長人十二來臨洮  
符姚劉石相雄豪天竺之書入中國三千弟子多其  
曹涼州龜茲奏宮廟漢魏雅樂隨波濤花門吐蕃日  
侵軼天子數出長安逃人似魚鰕隨水落世以東南  
爲大壑一半乾坤長草萊山南代北虛城郭百年舊

跡邈難記遺宮別寢屯狐貉至今趙城之東八里有  
冢尚崔嵬不見媯皇來制作里人言是古高禪萬世  
昏姻自此開華渚虹藏河馬去三皇五帝愁胚胎奇  
功異事不可問汾邊山下餘蘆灰惟天生民無主乃  
亂必有聖人以續周漢如冬復如春日月如更旦剥  
復相乘除包犧肇父豕不見風陵之堆高突兀沒入  
河中尋復出天迴地轉無多日

列子龍伯之國有大人一釣而連六鰲於是與員嶠二山流於北極沈於  
大海 路史古高禪記女媯 唐書五行志天寶十三載冀州蘭鄉縣界黃  
河中女媯墓因大雨時冥失其所在乾元元年六月一日夜河濱人家忽聞  
風雨聲曉見其墓湧出上有雙柳樹下有巨石二柳各長丈餘今謂之風陵  
堆

晉王府

卜筮方遷鼎封唐次翦珪國分河華北星主實沈西  
攘狄威名重垂昆敬德躋寵光延白屋惠澤普黔黎  
別殿俄傳燧浚宮早聽輦梯衝臨玉壁戈櫓繞銅鞮  
井竭龍池水梁空燕壘泥園花游鹿采山木化鵲啼  
國語春秋志賢王暇日題壁上大書楚語靈王  
爲章華之臺一篇定知慈儉理  
得與禹湯齊玉葉衣冠盡金刀姓字迷那堪梁花草  
春日更萋萋

張衡西京賦左暨河華唐六典玄宗所居隆慶坊宅之東有井忽湧爲小  
池周袤十數丈常有雲氣感黃龍出其中至景龍中潛復出水其沼浸廣里  
中人悉移居遂  
爲洞爲龍池

贈傅處士山

爲問明王夢何時到傅巖臨風吹短笛刷雪荷長鏡

老去肱頻折愁溪口自緘相逢江上客有淚溼青衫  
又訓傳處士次韻

清切頻吹越石笳窮愁猶駕阮生車時當漢臘遺臣  
祭義激韓讐舊相家陵闕生哀回夕照河山垂淚發  
春花相將便是天涯侶不用虛乘犯斗槎

愁聽關塞徧吹笳不見中原有戰車三戶已山熊繹  
國一成猶啓少康家蒼龍日暮還行雨老樹春深更  
著花待得漢庭明詔近五湖同覓釣魚槎

楚辭騷及少  
康之末家兮

陸貢士來復

武進人

述昔年代許舍人曦草疏攻鄭

鄭事

雖蜀交爭黨禍深宵人何意附東林然犀久荷先皇  
燭射隼能忘俠士心梅福佯狂名字改子山流落髯  
毛侵愁來忽遇同方友相對支牀共越吟

庚信哀江南賦年  
始二毛即逢交亂

詠史

永嘉一蒙塵中原遂翻覆名孤石勒誅觸眇苻生戮  
哀哉周漢人離此干戈毒去去王子年獨向溪巖宿

李克用墓

在代州  
西八里

唐綱既不振國姓賜沙陀遂據晉陽宮表裏收山河  
朱溫一篡弒發憤橫凋戈雖報上源讐大義良不磨  
竟得掃京雒九廟仍登歌伶官隕莊宗愛壻公從珂



傳祚頗不長功名誠足多我來鴈門郡遺冢高嵯峨  
寺中設王像緋袍熊皮鞋旁有黃衣人年少神磊砢  
想見三垂岡百年淚滂沱敵人亦太息如此孺子何  
千載賜姓人流汗難重過

一五代史唐本紀存勗克用長子也初克用破孟方立於邢州還軍上黨置酒  
三垂岡伶人奏百年歌至於衰老之際解辭其悲坐上皆懷怆時存勗在側  
方五歲克用慨然稱預指而笑曰吾行克矣此奇兒也後二十年其能代我  
戰於此乎及克用卒存勗即王位梁人固怨州七乃出兵趨上黨行至三垂  
岡然曰此先王置酒處也會天大霧雲霧行霧中攻其夾城破之梁軍大敗凱旋告廟

五臺山

東臨真定北雲中盤薄幽并一氣通欲得寶符山上  
是不須參禮化人宮

訓李處士因篤

三晉阨河山登覽苦不暢我欲西之秦潛身睨霸王  
一朝得李生詞壇出飛將爲呵斗極迴含吐黃河漲  
上論周漢初規模迭開創以及文章家流傳各宗匠  
道術病分門交游畏流宕朋黨據國中雌黃恣騰謗  
吾道貴大公片言折邪妄論事如造車欲決南轅向  
觀人如列鼎欲察神姦狀稍存俞咈詞不害干喁唱  
君無曲學阿我弗當仁讓更讀詩百篇陡覺神采壯  
游三臺  
山諸作先我入溪巖欽峯剖重嶂高拔地絡文下挈竺  
乾藏大氣橐山川雄風被邊障泚筆作長歌臨岐爲  
余賦自哂同坎壈難佐北溟浪惟此區區懷頗亦師  
直諒竊聞關西士自昔多風尚豁達貫古今然諾堅

足仗如君復幾人可愜平生望東還再見君牀頭倒  
春醪

雨中送申公子涵光

十載相逢汾一曲新詩歷落鳴寒玉懸甕山前百道  
泉臺駘祠下千章木登車衝雨馬頻嘶似惜連錢錦  
障泥并州城外無行客且共劉琨聽夜雞

訓史庶常可程

伊尹適有夏太公之朝歌吾儕亦此時將若蒼生何  
跨驢入長安七貴相經過不敢飾車馬資用防其多  
豈無取諸人量足如飲河顧視世間人夷清而惠和  
丈夫各有志不用相譏訶君今寓高都連山阻巍峩

佳詩遠寄將建安激餘波想見蕭寺中抱膝苦吟我  
古人尚訓言亦期相切磋願君無受惠受惠難負荷  
願君無倦游倦游意蹉跎

書序伊尹法堯通夏說有夏後歸於堯黃氏日鈔柳子厚平淮夷雅成  
命是荷哥何注引左傳昭七年吳克負荷平聲按後漢書班超傳贊魏都  
答二郭詩哥潘岳河陽縣作劉琨答盧諶詩並作平聲

汾州祭吳炎潘樞章二節士

露下空林百草殘臨風有慟莫梅蘭韭溪三子所居血化出

泉碧蒿里魂歸白日寒一代文章以左馬千秋仁義

在吳潘巫招虞殯俱零落欲訪遺書遠道難

楚辭之離白露既下百草兮萎離故北移祇宋書孝義傳王韶之贈潘綜  
吳潘歸仁義伊在惟吳惟潘心積結孝事著數難收死如歸故問若蘭左  
傳哀公十一年公孫夏命其從政虞殯

寄潘節士之弟耒

筆削千年在英靈此日淪猶存太史弟莫作嗣書人  
門戶終還汝男兒獨重身裁詩無寄處掩卷一傷神

王官谷

士有負盛名卒以虧大節咎在見事遲不能自引決  
所以貴知幾介石稱貞潔唐至昭宗時干戈滿天闕  
賢人雖發憤無計匡杞隄邈矣司空君保身類明哲  
墜笏雒陽昇歸來臥積雪視彼六臣流恥與冠裳列  
遺像在山厓清風動巖穴堂前一畝溪壁樹千尋絕  
不復見斯人有懷徒鬱切

蒲州西門外鐵牛唐時所造以繫浮橋者今河

西徙十餘里矣

唐代浮梁處遺牛制尚新一朝移岸谷千載困風塵

失水鼃鼃沒依城鶴雀鄰

舊有鶴雀樓在城西南黃河中萬草處時有鶴雀棲其上遂名後爲河流衝沒

助城角樓名之以存其詩

應無丞相問儻與牧童親世變形容老年淺

戰伐頻無窮懷古意舍爾適西秦

竹書紀年周穆王三十六年伐楚起師至於九江鼃鼃以爲梁江淹恨賊才驚鼃鼃以爲梁齊武帝牛歌吾新舍爾適西秦

潼關

黃河東來日西沒斬華作城高突兀關中尚可一丸

封奉詔東征苦倉卒紫髯豈在青城山白骨未收殺

過間至今秦人到關哭淚隨河水無時還

陸游姚平仲傳欽宗即位金人入寇平仲請出死士所營不利遂棄青瑣以令三子城山上清宮留一日復入大西山乃解縱所乘驄得石穴以居朝廷

數下詔物多求之弗得也乾道淳熙間始出至丈  
人觀道院自言如此年八十餘紫髯鬚然長數尺

華山

四序乘金氣三峰壓大河巨靈雄鼎巖白帝儼巍巍  
地劣窺天井雲濛拜斗阿夕嵐開翠嶽初月上青柯  
欲摘星辰墮還虞虎豹訶正冠朝殿闔持杖叱羲和  
勢拒雙嶂壯功從駟伐多未歸桃塞馬終負魯陽戈  
山鬼知秦帝蠻王屬趙佗出關收楚魏浮水下江沱  
老尚思三輔愁仍續九歌唯應王景略歲晚一來過

華嚴志云華山在西方秦穆王名曰北平子蓋毛女拜小得仙之北也楚辭  
招魂云崑崙九層謝曉和王者作八公山詩二別阻漢城雙嶂望河漢水  
紀注華山出於崑崙之北父山武王伐紂天下既定王及燕濱放馬華陽散  
牛燒林即此處也其中多野馬史記韋廉侯傳漢二年出關收魏河南韓  
殷王皆降蘇代傳蜀地之甲乘船浮于汶乘夏水而下江王日而至郢漢  
中之甲乘船出於巴乘夏水而下漢四日而至五渚晉書王猛隱於華陰

山陵佐世之志希龍顏之主  
飲翼待時使風雲而後動

### 驪山行

長安東去是驪山上有高臺下有泉前有幽王後秦  
始覆車在昔良難紀華清宮殿又何人至今流恨池  
中水君不見天道幽且濶眇以未必皆荒淫亦有英  
君御區宇終日憂勤思下土賢妃助內詠鷄鳴節儉  
躬行邁往古一朝大運合崩頽三宮九市橫豺虎玄  
宗西幸路仍迷宜白東遷事還沮我來驪山中哽咽  
四顧傍徨無可語傷今弔古懷坎軻嗚呼其奈驪山  
何

通鑑唐敬宗紀上欲幸驪山溫湯左僕射李絳諫議大夫張仲方等屢諫不  
聽拾遺張鑑與伏紫宸殿下叩頭諫曰昔周幽王幸驪山爲犬戎所殺秦始



皇蓋驪山圖之玄宗宮驪山而驪山觀先帝幸驪山享  
年不長上曰驪山若此之凶耶我宜一往以驗彼言

### 長安

東井應天文西京自炎漢都城北斗崇渭水銀河貫  
千門舊宮掖九市新屋開雲生百子池風起飛廉觀  
呼韓拜殿前頡利俘橋畔武將把雕戈文人弄柔翰  
遺跡俱煙蕪名流亦星散愁聞赤眉入再聽漁陽亂  
論都念杜鵑去國悲王粲積雨乍開塞淒其秋已半  
惆悵遠行人單衣裁至胔

史記秦始皇紀爲復道自阿房渡渭屬之咸陽以東天  
祚開道絕漢無營室也後漢書七萬陳上奏論都賦

### 乾陵

代運當中絕房幃召女戎誅鋤宗子盡羅織庶僚空

典祔遷新主同筵掃故宮貞符疑改卜大禮竟升中  
復子仍明兩登遐獲令終彌縫由密勿廻幹賴元功  
祔廟尊親竝因山宅兆同至今尋史傳猶想狄梁公

周禮司几筵下十二人 陸  
機漢高帝功臣頌三筵次卜

將去關中別中尉存枉於慈恩寺塔下

廊落悲王子棲遲愛友朋荒郊紆策馬獵徑傍韓鷹  
土室人稀到衙門客少應傾壺頻進酒散帙每挑燈  
歎昔當憂患先人獨戰兢薄田遺豆粢童阜剩薪蒸  
疾病嗟年老虔恭尚夙興芋魁收蜀郡瓜種送東陵  
世業爲奴有空名任盜憎幸餘忠厚福猶見子孫承  
渭水徂年赤岐山一夜崩低頭從竈養脫跡溷林僧

毒計哀阮趙淫刑虐用節忠魂依井植碧血到泉凝

臨陶西安公弟  
存和投并足

困鬣時防罟驚禽早避矰屢捫追駟舌莫

運擊蛇肱謬忝師資敬

中尉子及甥  
皆無經于余

多將氣誼憑溪情占

復始積德望高升子建工詩早河間好學稱堂垣逾  
舊大國邑與前增九鼎知猶重三光信有徵沈埋隨  
劍璽變化待鯢鵬樹落龍池雪風懸鴈塔冰更期他  
日會拄杖許同登

易升大象北山生乎潛子以順德積小以高大

蘇東坡題示伏武昌堂孫樵或城步雪遺劍帶

后土祠

有序 已下  
緊連祭祭

漢孝武所立后土祠在今榮河縣北十里地  
名鄧上或曰睢上史所云幸河東祠后土者

蓋屢書焉其後宣元成三帝及唐宋二宗皆  
嘗親幸以及國朝雖不親祀典而歷代相傳  
宮殿之巍峩像設之莊靜香火之駢闐未嘗  
廢也歲闋逢執徐王正五日子至其下廟祝  
云距此十五年爲黃河所蓄神宇圯焉乃徙  
像於東南二里坡下今所謂行宮者而古柏  
千章盡伐之以克改造之用廟未成而木盡  
矣是日大雪令祝引導策馬從之逶迤而登  
則坊門墀廡宛然東有大寧宮亦存遺址惟  
正殿及秋風洗粧二樓皆已蕩然爲斷崖絕  
壑而王文正旦之碑猶臥雪中不能洗而讀

也愴然有感乃作是詩

漢書武帝紀元鼎四年十一月甲子立后土祠於汾陰脽上師古曰脽者以其形高起如人足脽故以名云一說此臨汾水之上地本名脽音與葵同後鄉人呼葵音如誰故轉而爲脽焉耳故漢書儀云葵上

靈格移鄧上洪流圮故宮事同淪泗鼎時接墮天弓  
古木千章盡層樓百尺空地維疑遂絕皇鑒豈終窮  
髣髴神光下昭回治象通雄才應有作灑翰續秋風  
龍門

亘地黃河出開天此一門千秋憑大禹萬里下崑崙  
入廟君蒿接臨流想像存無人書壁問倚馬日將昏  
王逸楚辭天問序仰見圖畫因書其壁呼而問之

自大同至西口四首

舊府荒城內頽垣只四門先朝曾駐蹕當日英雄簾  
綵帛連樓滿笙歌接巷繁一逢三月火惟弔國殤魂  
落日林胡夜南風盛樂春地當天北極山是國西鄰  
冠帶中原隔金繒異域親武靈遺策在猶可制秦人

宋白續通典唐振武軍漢定襄郡之盛樂也在陰山之陽黃河之北後魏所  
都盛樂是也在唐朝州北三百餘里 史記趙世家主父欲從雲中太原直  
秦

駁骨來蕃種名茶出富陽年年天馬至歲歲酪奴忙  
蹴地秋雲白臨爐早酎香和我貞利國烽火罷邊防

禮記月令孟夏天子飲酎注酎之言醇  
也謂重醪之酒也楚辭大招四酎并醕

舊說豐州好於今號板升印鹽和菜滑捐乳入茶凝  
塞北思脣齒河東問股肱獨餘京雒叟終日成樓憑

舊唐書唐休璟傳起拜豐州司馬永淳中突厥圍豐州都督張智辨戰歿  
議徙徙豐州徙百姓於至靈夏休璟以爲不可上曰豐州控河通賊實爲襟  
帶自秦漢以來列爲郡縣田疇良美才宜耕牧時李愛戴不能堅守乃遷徙  
百姓就寧慶二州致使戎羯交侵乃以靈夏爲邊界貞觀之末始募人以實  
之西北一隅方得寧遠今若廢棄則河旁之地復爲賊有靈夏等州人不安  
業非國家之利也朝廷從其言豐州復存唐書豐州九原郡貢印鹽漢  
書禮樂志給大官桐馬酒李奇  
曰以馬乳爲酒種桐乃成也

孟秋朔旦有事於橫宮

秋色上陵垌新松夾殿青草深畱虎迹

茂陵賢城內復二虎

山合繞

龍形放犢朝登壇司香月掃庭不辭行潦薦髣髴近

惟馨

贈孫徵君奇逢

海內人師少中原世運屯微言垂舊學懿德本先民  
早歲多良友同時盡諱臣蒼黃悲詔獄慷慨急交親

天啓中左光斗魏大中周順昌三君  
被逮至京君爲周旋營救不辭禍患

黨錮時方解儒林氣始申明

廷來尺一空谷貴蒲輪未改幽棲志聊存不辱身名  
高懸白日道大屈黃巾衛國容尼父燕山仕子春門  
人持笈滿郡守式廬頻竹柏心彌勁陶鎔化益醇登  
年幾上壽樂道即長貧尚有傳經日非無拜老辰伏  
生終入漢綺里只辭秦自媿材能劣淺承意誼真惟  
應從卜築長與講堂鄰

訓程工部先貞

梅家大  
荒落

縣上耕山日青門灌圃時懷人初有數梨素便成辭  
一鴈陵秋濶雙魚入水遲任城樓突兀大野澤參差  
物象今來異天心此際疑風沙春氣亂葦葦夜芒垂



見題當郊舞聞人叫廟謔頻翻坤軸動乍闕日輪虧  
水竭愁魚鼈山空困鹿麋傷心猶賦欽舉目盡流離  
旅計真無奈朋歡可更追秋吟訓鮑照日飲對袁絲  
蠶急當軒響花繁繞砌枝朱絃彌唱古白雪每誇奇  
劍術人誰學琴心爾共知三年嗟弊濶隻羽倦差池  
尚媿劬勞憶來詩云看君行邁劬勞甚還添老大悲幾闕尼父室獨近  
董生帷相傳德州有董子讀書臺器忝南金許文承繡段詒清風來彩  
筆疎韻落芳卮西蜀玄方草東周夢未衰會須陪燕  
笑重和鄴中詩

淮南子縣縣關而日月食 宋鮑照有國中秋歡詩 史記袁盎傳盎兄子嬰謂盎曰南方旱涇君能日飲母苛

寄劉處士大來

已下添兆款時

劉君東魯才頗能究經傳時方渾九流發憤焚筆硯  
久客梁宋間落落無所見棄家走關中自結三秦彥

便居公瑾宅直上高堂宴

結李于德家

憶昨出門初朔風灑

冰霰獨身跨一驢力比蒼鷹健崎嶇上太行才于甘

重趼一過信陵君

陳君上于

下士色無倦贈別寶刀裝寶僚

陪祖餞麾檄渡蒲津駿馬如奔電上下五陵間秦郊

與周甸花殘御宿苑麥秀含元殿常過韋杜家早識

嚴徐面意氣何翩翩交游良可羨回首憶故人久滯

臨淄縣黃塵汗人衣數舉西風扇山東不足居苦爲

相知勸世路况悠悠窮愁儻能遣聊裁一幅書去託

雙飛燕

晉緯延之復劉斌書報令天長喪亂九流渾濁世說庾公在石頭王公在冶城坐大屋揚塵王以扇拂塵曰元氣盡汚人

朱處士葵尊過余於太原東郊贈之

詞賦雕鐫老河山  
騁望頻末流  
彌宇宙大雅接斯人  
世業推王謝  
儒言纂孟荀  
書能搜五季  
字必準先秦  
攬轡長城下  
回車晉水濱  
秋風吹鴈鶩  
夜月臥麒麟  
玉盃人間有  
珠襦地上新  
吞聲同太息  
吮筆一酸辛  
盜發晉王墓得黃金數百斤  
與爾皆椎結  
於今且釣緡  
羈心縈故跡  
殊域送良辰  
草沒青驄晚  
霜浮白墮春  
自來賢達士  
往往在風塵

屈山人大均

南海人

自關中至

弱冠詩名動九州  
紉蘭餐菊舊風流  
何期絕塞千山

外幸有清樽十日留獨漉泥淩蒼隼沒五羊天遠白雲秋誰憐函谷東來後班馬蕭蕭一敝裘

重過代州贈李處士因篤在陳君上年署中

鴈門春草碧且復過滹沱爲念離羣友三年愁緒多  
魯酒千鍾意不快龜山蔽目齊都隘却來趙國訪廉頗  
還到關中尋郭解陳君心事望諸儔吾友高才冠  
雍州玉軸香浮鈴閣曉彩毫光照射堂秋人來楚客  
三閭後賦似梁園拔馬遊句注山邊餘舊壘五原關  
下臨河水青冢哀笳出漢宮白登奇計還天子窮愁  
那得一篇書幸有心期託後車又逐天風歸大海好  
憑春水寄雙魚

出鴈門關屈趙二生相送至此有賦

一鴈孤飛日關河萬里秋雲橫秦塞白水入代都流  
烽火傳西極琴樽聚北州登高欣有賦今見屈于牛  
趙國佳公子翩翩又一時滿壺桑落酒臨別重相思  
路絕花驄汗情淡越鳥枝賢兄煩鎖鑰邊塞寄安危  
趙生之兄爲  
鴈門參將

應州

漫南宮闕盡一塔挂青天法象三千界華戎五百年  
空牆搖夜月孤磬落秋煙頓覺諸緣減臨風獨灑然

城內木塔遠  
望寧二空建

魏書太祖天賜三年六月發八部五百里內男丁築漫南  
宮四畧萬十餘丈 太宗泰常五年四月丙寅起漫南宮

尚憶沙陀事明宗此郡生艱難當亂世太息軫遺氓  
鳳彩畱荒井龍文照古城焚香祝天願果得見昇平

五代史唐明宗應州人志云州有金鳳城明宗生於此有金鳳井

### 重至大同

頻年落落事孤征每到窮邊一寄情馬跡未能追穆  
后虎頭空自相班生風吹白草桑乾岸月照黃沙盛  
樂城忽見丹青意惆悵君看曹霸院才名

代府中尉  
俊所能畫

得伯常中尉書却寄并示朱烈王太和二門人  
岱雲東浮日西墜下有畸人事鉛槧忽來青鳥銜尺  
書月入軒檻燈吐燄別子三年斷音問敝裘白髮空  
冉冉引領常歸函谷關停驂尚憶終南廣瀕行把酒

送余去重來何日當分陝腐儒衰老豈所望感此深情刻琬琰擔簦百舍不自量可能再上三峰險君家賢甥與令嗣舞雩歸詠同曾點尚論千秋品竝堪以吾一日年猶忝期君且復慰離愁勿向流光悲荏苒

淮上別王生略

已下張團協洽

子高徒抗手君獨淚沾衣送我山東去春空一鴈飛沂山朝靄合淮水夜燈微去去懷知己愁來不可揮

名震子子高游趙平原君家有郭文李節者與相友善及將還魯張  
衣人欲說畢文節遂行三宿臨別文節流涕交頤子高徒抗手而已

贈蕭文學企昭

漢陽人

生年十五餘即與人事接中更世難嬰書史但涉獵率爾好爲文蔚然富枝葉終媿康成學久曠周孔業

日西歲將晏行事苦不立禮堂寫六經庶幾猶可及  
俗流好鄭衛淫詞自親狎用以扶道真十無一二合  
出門游萬里踽踽恒負笈晚得逢蕭君探蹟窮魯汲  
車中服子慎一見語便洽上攷三傳訛獨授尼父法  
方獲得朋喜豈料歸歟急黃鶴對青山翩然鼓江楫  
浮雲翳楚天引領空於邑何時復相從問奇補三篋  
惟期夕惕心不負朋簪盍

後漢書鄭玄傳戒其子益思曰所好羣書率皆腐敗不得於禮堂寫定傳之  
其人曰西方某其可圖乎漢書劉歆傳歆同門好道真世說鄭玄欲注  
春秋傳尚未成時行與服子慎遇宿客舍先未相識服在外車上與人說已  
注傳意玄聽之良久多與已同乃就車與語曰吾久欲注尚未了聽君向言  
多與吾同今當盡以所  
注與君遂爲服氏注

曲周拜路文貞公祠



凌煙當日記形容閩海風  
殿未得從故里尚畱旋馬  
宅他鄉遙起若堂封

公葬吳之洞庭山

苔生宋璟祠前碣雪覆要

離墓上松借問家聲誰可似只今荀氏有雙龍

德州過程工部

海上乘槎客年年八月來  
每逢佳節至長得草堂開  
老桂香猶吐孤鴻影自迴  
未論千里事一見且銜杯

過蘇祿國王墓

有序

永樂十五年九月蘇祿國東王來朝歸次德州  
病卒遣官賜祭命有司營墳葬以王禮上  
親爲文樹碑墓道畱其僚從十人守墓其後  
子孫依而居焉余過之出祝版一通乃嘉靖

年者宛然如故其字體今人亦不能及矣

豐碑遙見炳奎題尚憶先朝寵日碑世有國人供灑  
埽每勤詞客駐輪蹄九河冰壯老狐出十二城荒白  
鶴樓湖北有十  
二連城下馬一爲郟子問中原雲鳥正淒迷

赴東六首

有序  
已下  
詩強注

萊人姜元衡許告其主黃培詩獄株連二三  
十人又以吳郡陳濟生忠節錄二帙首官指  
爲余所輯書中有名者三百餘人余在燕京  
聞之亟馳投到頌繫半年竟得開釋因有此  
作

人生中古餘誰能免尤悔况余庸駑姿側身涉危殆

竊窬起東隅長鯨翻渤海斯人且魚爛士類同禽駭  
稟性特剛方臨難詎可改偉節不西行大禍何繇解  
後漢書賈彪傳延熹元年黨事起太尉陳蕃等之不能得朝廷寒心莫敢復  
言彪謂同志曰吾不西行大禍不解乃入雒陽說城門校尉實武尚書霍諝  
等使訟之桓帝  
以此大赦黨人

行行過瀛莫前途憇廣川所遇多親知搖手不敢言  
爾本江海人去矣足自全無爲料虎鬚危機竟不悛  
下有清直水上有蒼浪天旦起策青驪夕來至華泉

詩河水清且直猗 古樂府東門  
行上用蒼浪天故下爲黃口小兒

苦霧凝平臯浮雲擁原隰峰愁不注高地畏明湖溼  
客子從何來徬徨市邊立未得訴中情已就南冠繫  
夜半鵲鳴勢挾風雨急枯魚問河魴嗟哉亦何及

一樂府估魚過河泣何時悔復  
又作書與鮑鮑相教慎出入

荏苒四五日乃至攀髯時夙與正衣冠稽首向園墀  
詩人岸獄中不忘恭敬辭所秉獨周禮顛沛猶在斯  
北斗臨軒臺三辰照九疑可憐訪重華未得從湘纍  
羲仲殷東方伶倫和律管陰崖見白日黍谷回春燠  
柔艣下流斯輕車度危棧草木皆欣欣不覺韶光晚  
大造雖無私薰蕕不同產奈此物性何鳩化猶鷹眼  
天門談蕩蕩日月相經過下閔黃雀微一旦決網羅  
平生所識人勞苦云無他騎虎不知危聞之元彥和  
尚念田晝言此舉豈足多永言矢一心不變同山河

魏書彭斌王親傳孝文之崩成陽王禧謂斌曰汝非但辛勤亦危險至極斌  
對曰兄識高年長故知有夷險弟和緩此騎虎不覺艱難 宋史田晝傳

治疎立劉后得罪罪竄新州晝迎諸塗浩出涕晝正色責曰使志完隱默官京師遇寒疾不汗五日死矣豈獨嶺海之外能死人哉顧君毋以此舉自滿士所當爲者未止此也

子德李子聞余在難特走燕中告急諸友人復馳至濟南省視於其行也作詩贈之

急難良朋節扶危烈士情平居高獨行此去爲同盟  
撫劍來燕市場鞭走易京黃埃隨馬漲黑水繫船橫  
救宋裳初裹囚梁獄未成盈庭多首鼠中路復怔營  
已涉平原里遄驅歷下城雲浮泉氣活日麗嶽林明  
夜樹蟬初引晨巢鵲亟鳴喜猶存卞璞幸不蹈秦坑  
勞苦詞難畢悲歡事忽并橐饘勤問遺寢息共論評  
發憤皆公正矯修自幼清君賢關羽弟我媿季心兄

將伯呼朝士同人召友生詩書仍燼溺禹稷竟冠纓  
頗憶過從數淡嗟歲序更川巖句注險池館薊丘平  
每竝登山屐常隨泛月觥詩從歌伎采辯使坐賓驚  
祿位楊雄小囊錢趙壹輕與君俱好遯於世本無爭  
史論悲鉤黨儒流薄近名材能尊選悞仁義怵孤嫗  
自得忘年老聊存處困貞不才偏累友有膽尚談兵  
坎窞何當出虞機詎可櫻殷勤申別歎落莫感精誠  
禽海填應滿釐山抃豈傾相期非早暮渭釣與莘耕

聖子公輔報為楚設機欲以改宋聖子聞之自曾往裂裳裹足日夜不休十  
日十夜而至千鄧後漢書鄧禹傳禹性忠貞史記伯夷傳非公正不發  
憤楚辭招魂朕幼清以廉潔兮史記季布傳布弟季心氣蓋關中為任  
俠吳華袁絲弟富灌夫籍福之屬漢書楊雄傳凡人賤近而貴遠親見楊  
子雲祿位容觀不能動人故輕其書後漢書趙壹傳文籍雖滿腹  
不如一囊錢楚辭天問監戴山抃張衡思玄賦盤雖抃而不傾

樓桑廟

已下層  
維作蓋

大雪閉河山停驂阻燕界日出見平岡廟制頗宏大  
昭烈南面尊其旁兩侯配陰森宮前木蕪沒畦首菜  
遺像纏風塵荒碑委榛荆痛惟初平時中原已橫潰  
跳身向荆益歷險誠不悔終焉嗣漢業上帝居禋類  
獨此幽并區頻在衣冠外不得比南陽何由望豐沛  
尚想舊宅桑童童狀車蓋黃屋既飄飄霓旌亦杳靄  
惟有異代臣過瞻常再拜不及二將軍提戈當一隊  
三月十二日有事於櫟宮同李處士因篤  
餘生猶拜謁吾友復同來筋力愁初減天顏佇一迴  
巖雲隨馭下寢仗夾車開未得長陪從解行涕泗哀

贈李貢士嘉

汝城人

時年八十

居然漢代表遺民猶向甘陵說黨人久矣泥塗嗟絳縣不妨漁釣老河濱花香元亮籬前酒雨墊林宗野外巾此日耆英誰得似飲和先作一方春

淮南子不言而能發人以和

邯鄲

趙國地生毛叢臺野火燒平原與馬服累累葬枯蒿  
饑鳥啄冬雪獨鴈號寒郊有策無所用拂拭千金刀  
豈聞蕭王來北發漁陽棗畫卧溫明殿蒼生正替教  
太息復何言此身隨所遭

史記趙世家民謠言曰趙爲號秦爲笑以爲不信視地之生毛

漢書五行志高后元年五月丙申趙叢臺災



邢州

太行從西來勢如常山蛇邢洛在其間控壓連九河  
唐人守昭義桀驁不敢過憑此制山東腹心實非他  
事已邈悲風芒然吹黃沙乞食向野人從之問桑麻  
舊唐書李抱真傳為昭義節度使時田悅朱滔王武俊相繼反叛及上幸  
梁州抱真獨於潞懷懷潰之中以山東三州外抗羣賊內輯軍士羣賊感懷

自大名至保定子德己先一月西行賦寄

念爾西歸日嗟余望路岐殊方頻邂逅千里各差池  
木落燕臺早霜封華掌遲秦郊須置驛莫後鄭當時  
山友潘節士之弟來遠來受學兼有投詩答之  
生平不擬託諸侯吾道仍須歷九州落落關河蓬轉

後蕭蕭行李鴈飛秋爲秦百姓皆黔首待漢儒林已  
白頭何意故人來負笈艱難千里媿從游

十年離別未言還楚水楓林極望間野雀暮歸吳季  
廟寒濤秋擁伍胥山人琴已逝增哀涕笠屨相看失  
壯顏獨有士龍年最少一朝詞筆動江關

述古

已下上  
章開茂

微言既以絕一變爲從橫下以游俠權上以刑名衡  
六國固蚩蚩漢興亦攘攘不有董夫子大道何由明  
孝武尊六經其功冠百王節義生人材流風被東京  
世儒昧治本一槩而相量於乎三代還此人安可忘

楚辭九章懷沙同標  
三石兮一槩而相量

六經之所傳訓詁爲之祖仲尼貴多聞漢人猶近古  
禮器與聲容習之疑可睹大哉鄭康成探賾靡不舉  
六藝既該通百家亦兼取至今三禮存其學非小補  
後代尚清談土苴斥鄒魯哆口論性道捫篇同矇瞽

蘇子瞻曰喻生而眇者不識日或告之曰日之  
光如燭捫燭而得其形他日揣籥以爲日也

五國竝時亾世道當一變掃地而更新三王功可見  
鼓琴歌有虞釣者知其善區區山澤間道足開南面  
天步未回旋九州待龍戰空有濟世心生不逢堯禪  
何必會風雲弟子皆英彥俗史不知人寥落儒林傳

文中子書五國竝時而亾蓋傷先王之道盡墜故君子大其言極其貽於是  
乎掃地而求更新也 子游汾亭上鼓琴有釣者曰美哉琴心也傷而和恣  
而靜在山澤而有聲無之志子駿而歌南風釣者曰嘻非今日事也道能  
利生民功足濟天下其有虞氏之心乎不如舜自鼓也聲存而操變矣

德州講易畢奉東諸君

在昔尼父聖韋編尚三絕况於章句儒未曉八卦列  
相看五十餘行事無一達坐見悔吝叢舉足防蹉跌  
日昃乃研思猶幸非大耄微言詎可尋斯理庶不滅  
寡過殊未能豈厭丁寧說是時秋雨開涼風起天末  
蟋蟀吟堂階疎林延夕月草木得堅成吾人珍晚節  
亮哉歲寒心不變霜與雪憂患自古然守之俟來哲

輓殷公子岳

憶昔過從日偏承藻鑑殊堂中延太守門外揖王符  
木葉空郊晚魚鱗大澤枯邈如人世隔無復問黃壚  
八俊名空大千秋事已違嶺雲綠旆下溪鳥夾棺飛

蕙苴當含貝，桄榔待復衣。寂寥漳水上，猶望楚魂歸。

寄張文學昭時淮上有築堤之役

已下重步  
大淵默

冬來寒更劇，淮堰比何如。遙憶張平子，孤燈正勘書。  
江山雙鬢老，文字六朝餘。得所寄  
鶴銘辨愁絕無同調，蓬飄

久索居。

南史康絢傳天監十四年築浮山堰是  
冬寒甚淮四盡凍亡卒死者十七八

雙鴈

雙鴈東北飛，飛飛向城闕。聲含海上颺，影帶吳山月。  
有客從南來，遺我一書札。上寫召旻詩，如彼泉池竭。  
下列周鼎文，食人象饕餮。書成重密緘，一字一泣血。  
傳之與貴人，相視莫敢發。所計一身肥，豈望天下活。

呂氏春秋周鼎著餐餐有首  
無身食人未咽害及其身

夏日

首夏多恒風塵霾蔽昏旦舞雩告山川白紙催州縣  
未省答天心且望除民患黍苗不作歌碩鼠徒興歎  
仗馬適一鳴身名已塗炭貝玉方盈朝此曹何所憚  
博士有正先實趣秦時亂

漢書京房傳昔秦時趙高用事有正先者非  
刺高而此高威自此成故秦之亂正先趣之

末俗無恒心疾貧而好勇不能事田園何況談周孔  
出門持尺刀鑄錢兼掘冢矧此大東謠齊民半流冗  
不見瓜寧男死猶被天寵鳴弓宿鳥驚躍馬浮埃動  
顧謂同行人王侯寧有種

漢書三莽傳上谷騎夏目請願說瓜田嚴葬以爲中郎使出儀儀文降示出而死莽求其尸葬之爲起冢祠堂詔曰瓜亭驂男幾以招來

秋風行

白露早下秋風涼誰家置酒開華堂秦國丞相南面坐三川郡守趨奉觴燕娥趙女調清瑟六博彈棋費白日致富應多文信金論功詎足穰侯匹莫欺張耳鬢如絲及見夷門大會時車中公子常虛左上客侯生衣弊衣人生富貴駒過隙唯有榮名壽金石嗟嗟此曲難重陳柱摧絃斷長愁人

史記李斯傳長男由爲三川守告歸咸陽李斯置酒於家百官長皆前爲壽門廷車騎以千數張耳傳張耳者大梁人也其少時及魏公子無忌爲客古詩春思隨物榮名以爲寶

靜樂

邑枕汾川首城分并塞支馬牛遺牧地材木剩山陞  
互澤魚空後腥風虎下時樓煩雖善射不救漢王危  
太原寄王高士錫闡

游子一去家十年愁不見愁如汾水東不到吳江岸  
異地各榮衰何繇共言宴忽睹子綱書欣然一稱善  
王君尺牘  
多作策書知交盡四海豈必無英彥貴此金石情出處  
同一貫太行冰雪積沙塞飛蓬轉何能久不老坐看  
人間換惟有方寸心不與玄鬢變

三國志注張紘字子綱好文學又善書策與孔融書皆自書融報  
紘曰前勞手筆多策書每舉篇見字必然獨笑如復觀其人也

孟縣北有藏山云是程嬰公孫杵臼藏趙孤處  
空山三尺雪匹馬向荒榛窈洞看冰柱危峰遲日輪



水邊寒啄鶴松下晚樵人恐有孤兒在尋幽一問津

讀李處士顯襄城紀事有贈

有序已下  
玄默因數

處士之父可從崇禎十五年以壯士隸督師  
汪公喬年麾下以五千人勦賊至襄城死之  
處士年十六貧甚與其母彭氏并日而食力  
學有聞越二十九年始得走襄城爲汪公及  
其父設祭招魂以歸余與處士交爲之作詩  
躑躅荒郊醉一樽白楊青火近黃昏終天不返收嶠  
骨異代仍招復楚魂湛阪愁雲隨獨鴈潁橋哀水助  
啼猿五千國士皆忠鬼孰似南山孝子門

左傳襄十六年楚公子格  
帥師及晉師戰於湛阪

寄楊高士瑀

廿載江南意愁來更渺茫  
友朋嗟日損雞犬覺年荒  
水歷書池淨山連學舍長  
但聞楊伯起弦誦夜琅琅

齊祭器行

歲重元大淵獻臨淄發地得古祭器數十事監司搜而有之

太公封齊廿八世春秋嘗長有事猶從三代識遺  
聲每見九夷朝祭器器歷商周制度工相傳丁癸及  
桓公花紋不似萊人物法象仍疑兩敦同牛山下涕  
何悲苦歲久光華方出土夏后璜偏入向魑魯宮寶  
又歸陽虎歷下秋風動夕螢古來神物亦飄零誰知  
柏寢千年器異日還陳漢武庭

通記樂記齊者三代之遺聲也齊人識之故謂之齊左傳襄六年陳無宇獻樂宗器于襄宮禮記明堂位有其氏之兩敦左傳哀十四年向魑出

於德地公大氏攻之宋夏后氏之璜焉與之他玉而奔齊 史記封禪書少  
君是上上有故銅器問少君少君曰此器齊桓公十年陳於柏寝已而宋其  
刻果齊  
桓公器

題李先生矩亭

有序

德州東二十五里矩亭故鄉舉思伯李君誠  
明讀書處天啓中權奄柄國聞君通陰陽象  
緯之學遣使徵之辭疾不就潔志以終其子  
源修是亭以表遺蹟余爲之詩

董生祠畔子雲亭澗雨巖虹望獨扁門外曉寒縈帶  
草林端秋散照書螢長留直道扶千載自見遺文表  
六經今日似君還肯構應知家學本趨庭

甄

瓠實向秋侵，呼然繫夕林。不材畱苦葉，槁死亦甘心。  
偶伴嘉蔬植，還依舊圃尋。削瓜輸上俎，剥棗遜清斟。  
衛女河梁迥，涇師野渡深。未須驚五石，應信直千金。  
作器疑無用，隨流諒不沈。試充君子佩，聊比國風吟。

左傳：襄十四年，諸侯之大夫從晉侯伐秦，及涇，不濟，叔向見叔孫穆子穆子賦：匏有苦葉，叔向退而具舟。魯人苦人先濟。

土門旅宿

在獲鹿縣西南十里

歲歲征驂詎，有期棲棲周。道欲安之尼，公匪兇窮何。  
病尚父維鷹，老未衰市酒。薄驅冬宿冷，山蕤輕壓曉。  
行饑從知宇宙，今來關不似園林。獨臥時

漢書：平帝紀：追諡孔下曰：東城宣尼公。

燕中贈錢編修秉鐙

已下昭陽赤奮若

一別秦淮將廿載天涯垂老看猶在斷煙愁竹泣蒼梧  
禿筆懷文來漲海燕市鷄鳴動客輪九門馳道足黃塵  
相逢不見金臺侶但說荆軻是酒人

先妣忌日

風木凋零已過時一經猶得備人師聞絲欲下劉驥  
泣執卷方知孟母慈秋雨秀連中野蔚夕陽光起北  
園葵無窮明發千年慨豈獨杯園忌日思

顏氏家訓東觀以來雖寒夜之子能讀孝經論語者尚爲人師雖奕葉冠冕  
不廢書記者莫不耕田養馬 京齊書劉驥傳母沒十餘年每聞絲竹之聲  
未嘗不飲歎流涕 晉陸機園 葵詩種葵北園中葵生鬱鬱莫莫

自章丘回至德州則程工部逝已三日矣

高秋立馬鮑山旁旅鴈初飛木葉黃十載故人泉下

別交情多媿邳君章

時張文學招身燕  
中來觀其舍飲

後漢書獨行傳范式字巨卿與汝南張劭爲友劭字元伯後元伯寢疾同郡  
邳君章殷子徵晨夜省視元伯臨盡歎曰恨不見吾死友子徵曰吾與君章  
盡心於子是非死友復欲誰求元伯曰若二子者吾生友耳山陽范巨卿所  
謂死友也元伯尋卒式往奔喪未及到而喪已發引柩不肯進停柩移時見  
有素車白馬號泣而來其母望之曰是  
必范巨卿也式執紼引柩於是乃前

有歎

少小事荀卿佔畢更寒暑慨然青雲志一旦從羈旅  
西游到咸陽上書寤英主門庭正翕集車騎來千數  
復有金石辭榮爛垂千古如何壯士懷但慕倉中鼠  
家世二千石結髮常自修譬如寡婦心本慕共姜儔  
不幸汙盜賊遂忘淫佚羞念彼巨先語撫心悼遷流  
如登千仞岡失足竟不收勉哉堅自持無遺朋友憂

漢書游俠傳原涉字巨先或譏涉曰子本結髮自修以行矣推財禮讓爲名  
正復警取快猶不失仁義何故遂自放縱爲輕俠之徒乎涉應曰子獨不見  
家人寡婦邪始自約教之時意適聚宋伯姬及陳孝婦不幸當爲盜賊所污  
遂行淫佚知其非禮然不能自還吾猶此矣後漢書馬援傳居高堅自持

哭歸高士

弱冠始同遊文章相砥厲中年共墨衰出入三江汭  
悲歲宗社墟勇畫澄清計不獲騁良圖斯人竟云逝  
峻節冠吾儕危言驚世俗常爲扣角歌不作窮途哭  
生耽一壺酒沒無半間屋惟存孤竹心庶比黔婁躅  
太僕經鏗鏗若曾祖諱有光字熙甫世稱震川先生三吳推學者安貧稱待詔  
若叔祖諱子思清風播林野及君復多材儒流嗣弓冶已矣  
文獻公蕭條玉山下鄴生雖酒狂亦能下齊軍發憤  
吐忠義下筆驅風雲平生慕魯連一矢解世紛碧雞

竟長鳴悲哉君不聞

種記儒行近文章祗屬康陽後漢書儒林傳說經綽經楊子行  
左傳文十八年卜葬丘占之曰齊侯不及期非疾也君亦不聞

亭林詩集卷之四終



亭林詩集卷之五

廣昌道中

已下關達  
攝提格

匹馬去燕南，易京大如礪。五迴春雪深，冰上孤城閉。  
行行入飛狐，夕駕靡遑稅。融冰見硯流，老樹陵寒霽。  
啄鵲馴不驚，臥犬安無吠。問客何方來，幽都近如沸。  
出車日鱗鱗，戈矛接江裔。此地幸無兵，山田隨樹藝。  
且偷須臾閒，未敢謀卒歲。

後漢書公孫瓚傳前此有童謠曰燕南垂趙北際中央不合大如礪水經  
注今郡廣昌縣東南有大嶺世謂之廣昌嶺嶺高四十餘里二十里中委折  
五回方得達其上嶺故嶺有五回之名左傳  
昭元年趙孟曰吾兄弟比以安處也可使無吠

久客燕代間，遂與關山老。流連王霸亭，躑躅劉琨道。  
枯萸春至遲，落木秋來早。獨往茲愴然，同遊昔誰好。

三楚正干戈沅湘彌浩浩世乏劉荊州託身焉所保  
縱有登樓篇何能盪懷抱思因塞北風一寄南飛鳥  
昔年吳松子

德同在此縣

後漢書王霸傳將弛刑徒六千餘人與杜茂治飛狐道堆石布土築起亭  
障自代至平城三百餘里晉書劉琨傳率衆赴段匹磾從飛狐入薊

### 寄問傅處士土堂山中

向平嘗讀易亦復愛名山早跨青牛出昏騎白鹿還  
太行之西一遺老楚國兩龔秦四皓春來洞口見桃  
花儻許相隨拾芝草

晉書陶潛結廬於吳沙臨湘山中養一白鹿以  
自偶觀故有候之者願移渡澗水莫得近之

### 與胡處士庭訪北齊碑

春蘿亂青山卉木苞永吐繞郭號荒雞中田散野鼠

策杖向郊坰幽人在巖戶未達隱者心聊進蒼生語  
一自永嘉來神州久無主十姓迭興亡高光竟何許  
樓樓世事迫草草朋儕聚相與讀殘碑含愁弔今古

詠史

王良既策馬天弧亦直狼中夜視北辰九野何茫茫  
秦政滅六國自謂過帝皇豈知漁陽卒狐鳴叢祠旁  
誰爲刑名家至今怨商鞅

史記天官書王良策馬車轉滿野宋史天文志弘矢九星在狼星東南天弓也矢不直狼爲多盜鹽鐵論商鞅峭法長利秦人不聊生相與哭孝公

商紂爲黎蒐遂啓東夷叛楚靈一會申俄召乾谿患  
甲兵豈不多人人欲從亂惟民國所依疾乃盈其貫  
皇矣監四方得民天所贊

路光祿書來敘江東同好諸友一時徂謝感歎  
成篇

削迹行吟久不歸修門舊館露先晞中年早已傷哀  
樂死日方能定是非彩筆夏枯湘水竹清風春盡首  
山薇斯文萬古將誰屬共爾衰遲老布衣

楚辭招魂魂兮歸來入修門些 晉書王羲之傳謝安嘗謂羲之曰中年傷  
於哀樂與親友別輒作數日哭 太史公報任少卿書要之死曰然後是非  
定乃

過矩亭拜李先生墓下

人生無賢愚大節本所共蹉跎一失身豈不負弦誦  
卓哉李先生九流稱博綜心鄙馬季長不作西第頌  
屏居向郊垌食淡常屢空清修比范丹聰記如應奉

力學不求聞終焉老家術同時程中丞一疏亦驚衆

玉璽安足陳亟進名臣用

中丞名紹德州左衛人巡撫河南時漢河帝得玉璽上疏言秦璽不足珍國家

以璽爲寶蓋璽籍諸臣一絲人不納遂謝病歸

黨論正紛拏中朝竝囂訟世推山東

豪三李尤放縱祠奄與哭典後先相伯仲

名益見欽定通案初踰

士類閑竟折邦家棟悲哉五十年風塵尚瀕洞我來  
拜遺阡增此儒林重雖無聲咳接猶有風流送自非  
隨武賢九原誰與從

後漢書馬融傳爲梁冀作大將軍西第頌以此頗爲正直所羞 應泰傳少

聰明自爲童兒反長兄所誣履其不時記讀書五行並下 漢司隸校尉魯

幽家術

潘生次耕南歸寄示

知君心似玉壺清未肯緇塵久維京若到吳閶尋舊

跡五噫東去一梁生

子房

天道有盈虛智者乘時作取果半青黃不如待自落  
始皇方侈時土宇日開拓海上標東門長城繞北郭  
欲傳無窮世更乞長生藥子房天下才是時無所託  
東見倉海君用計亦疎略狙擊竟何爲煩彼十日索  
譬之虎負嵎矜氣徒手搏歸來遇赤精奮戈起榛薄  
燒關一戰破藍田再麾却噴噴軼道旁共看秦王縛  
既已報韓仇此志誠不忤遂赴赤松要無負圮橋諾

通鑑蘇秦張儀言於

其難易美惡但去遠矣

史記注

果於未然與自落不過早晚旬日之間然

如法和曰凡人取果

宜待熟時不候日暮

刈禾長白山下

載來來東國年年一往還禾垂墟照晚果落野禽閒  
食力終全節依人尚厚顏黃巾城下路獨有鄭公山

不乘北齊以黃巾城立章丘縣  
其東有黃山鄭康成注書其上

歲暮

平生慕古人立志固難滿自覺分寸長用之終已短  
良友日零落悽悽獨無伴流離三十年苟且圖飽煖  
壯歲尚無聞及今益樗散治蜀想武侯匡周歎微管  
願一整頽風俗人謂迂緩孤燈照遺經雪深坐空館  
一歲條道盡我行復何如何爲窮巷中悄然日閒居  
未敢聽輪扁且讀堂上書糟粕雖已陳致治良有餘

典謨化刀筆衣冠等猿狙孰令六代後一變貞觀初  
四海皆農桑弦歌徧井閭我亦返山中耦耕伴長沮

莊子今取猿狙而衣以周公之服彼必斃盡視裂去而後縻

兄子洪善北來言及近年吳中有開淞江之役

書此示之

已下旂  
蒙單開

淞江東流水波緩王莽之際尤枯旱平野雲濛二陸  
山荒陂草沒吳王館五十年來羹芋魁頓令澤國生  
蒿萊豈無循吏西門豹停車下視終徘徊少時來往  
江東岸人代更移年紀換即今海水變桑田況於爾  
等皆童叟乍看畚鍤共歡呼便向污邪祝一壺豈知  
太平之世飴甘茶川流不盈澤得瀦風雨時順通祈



零春祭三江秋祭五湖衣冠濟濟郊壇趨歲輸百萬  
供神都江頭擔酒肴江上吹笙竽吏無敲朴民無逋  
嗟余已老何時見久客中原望鄉縣那聞父老復愁  
兵秦關楚塞方酣戰忽憶秋風千里萼淞江亭畔坐  
垂綸還歸被褐出負薪相逢絕少平生親怪此傖夫  
是何人

漢書謂方進傳汝南有鴻鵠陂王莽末常枯旱易水流而  
不至越絕書春祭三江秋祭五湖因以其時爲之立祠

閏五月十日

重逢閏五日澶漫客山東郡國戈鋌裏園陵灌莽中  
草穿新塋綠花隔舊京紅更憶王符老飄淪恨不同

三續舊漢書日同詣幸  
陵行昔今年七十七矣

社子美詩瀝漫

山東一百州

春秋書魯月猶是謂文王舊國還豐鎬遺民自夏商  
神遊弓劍遠天與卦爻長此日追休烈於戲不可忘

公羊傳隱公元年春王正月王者孰謂謂文王也

過張貢士爾岐

緇帷白室覩風標爲歎斯人久寂寥濟水夏寒清見  
底石田春潤晚生苗長期六籍傳無絕能使羣言意  
自消竊喜得逢黃叔度頻來聽講不辭遙

莊子孔子遊于緇帷之林休坐乎杏壇之上又曰瞻彼鸞者虛室生白

送程工部葬

文獻已淪亡長者復云徂一往歸重泉百年若須臾

寥寥楊子宅惻惻黃公壚揮涕送故人執手存遺孤  
末俗雖衰漓風教猶未渝願與此邦賢修古敦厥初  
路舍人客居太湖東山三十年寄此代柬

翡翠年湮伴侶稀清霜憔悴減毛衣自從一上南枝  
宿更不回身向北飛

孫徵君以孟冬葬於夏峰時僑寓太原不獲執  
紼適吳中有傳示同社名氏者感觸之意遂見  
乎辭

老不越疆弔吾衰况疎慵遙憑太行雲迢遞過夏峰  
泉源日清沁上有百尺松憶叨忘年契一紀秋徂冬  
常思依蜀莊有懷追楚龔不得拜靈輅限此關山重

會葬近千人來觀馬鬣封儻有徐孺子隻鷄遠奔從  
一時諸生間得無少茅容俗流驚聲華考實皆凡庸  
溜澠竟誰知管華稱一龍我無人倫鑒焉敢希林宗  
惟願師伯夷寧隘母不恭嗟此衰世意往往纏心曾  
回首視秋山肅矣霜露濃

禮記檀弓下五十無卓者不越轎而吊人 楊子法言蜀  
莊沈寔 呂氏春秋卷之二十四過之水合易牙嘗而知之

漢三君評

父老苦秦法願見除殘兒三章布國門企踵咸樂從  
雖非三王仁寬大亦與同傳祚歷四百令名垂無窮  
右高祖

文叔能讀書折節如儒生一戰摧大敵頓使海寓平

改化名節崇磨鈍人才清區區黨錮賢猶足支危傾

右光武

卓矣劉豫州雄姿類高帝一身寄曹孫未得飛騰勢  
立志感神人風雲應時至翻然遂翱翔二豪安得制

右昭烈

楚僧元瑛談湖南三十年來事作四絕句

共對禪燈說楚辭國殤山鬼不勝悲心傷衡嶽祠前  
道如見唐臣望哭時

宋史朱昂傳父葆光嘗梁氏篡唐與唐舊臣頗竟幸濤輩萃家南  
渡寓潭州每正旦冬至必序立衡嶽祠前北望號慟殆二十年

孤墳一徑楚山尖鐵石心肝老孝廉流落他方餘惠  
遠撫琴無語憶陶潛

先兄同年友長  
沙陶君汝鶴

督師公子竟頭陀詩筆崢嶸浩氣多兩世心情知不  
遂待誰更奮魯陽戈

武陵楊公  
子山松

夢到江頭橘柚林衲衣桑下愜同心不知今日滄浪  
叟鼓枻江潭何處溪

賦得簷下雀

力小不成巢翾飛無定止所謀但一枝徬徨靡可恃  
曾窺王謝堂不作銜泥壘雖依簷下宿無異溪林裏  
豈不慕高明其奈驚丸餌唯應罷官時殷勤數來此

漢書楊雄傳高明之家鬼瞰其室 鄭當時傳先是  
下邳翟公爲廷尉賓客填門及廢門外可設爵

薊門送子德歸關中

與子窮年長作客子非朱顏我頭白燕山一別八年

餘再裏行勝來九陌君才如海不可量奇正縱橫勢

莫當彈箏叩岳坐太息豈可日月無弦望

望字作平聲用既錯詩是時鶻

火中日月正相望

爲我一曲歌伊涼挈十一州歸大唐奇材劍客

今豈絕奈此舉目都茫茫薊門朝士多狐鼠舊日鬚  
眉化兒女生女須教出塞妝生男要學鮮卑語常把  
漢書掛牛角獨出郊原更誰與自從烽火照桑乾不  
敢宮前問禾黍子行西還渡蒲津正喜秋氣高嶙峋  
華山有地堪作屋相與結伴除荆榛

李陵與蘇武詩安知北日月弦望自有時

唐書大中年沙州人張義潮

以瓜沙伊肅鄯甘河西隴岷廓十一州歸於有司

顏氏家訓齊朝一士夫

嘗謂善曰我有一兒年已十七頗曉書疏教其鮮卑語及彈琵琶稍欲通解以此伏事公卿無不寵愛吾時僥而不答

李生符自南中歸攜李三年矣追惟壯遊兼示

舊作

一卷別南中孤帆自歸去文飛鶴拓雲墨染且蘭樹  
丈夫行萬里投分各有遇明發著萊衣未肯朱門住  
相送驛路旁落英連古戍儻有舊遊人北望懷徐庶

二月十日有事於攢宮

已下鹽園  
大荒落

青陽回軒丘白日麗蒼野封如禹穴平木類湘山赭  
不忍寢園荒復來奠樽竿彷彿見威神雲旗導風馬  
當年國步感實歎謀臣寡空勞宵旰心拜戎常不暇  
賊馬與邊烽相將潰中夏頽陽不東升節士長喑啞  
及今擐甲兵無復圖宗社飛章奏天庭寥寥焉能舍  
華陰有王生弘伏哭神牀下亮矣忠懇情咨嗟傳宦



者遺臣日以希有願同誰寫

左傳昭十五年王靈不及拜武不... 楚辭  
離騷余固知謬謬之爲患兮忍而不能舍也

贈獻陵司香賈太監宗

蕭瑟昌平路行來十九年清霜封殿瓦野火逼山阡  
鎬邑風流盡邛陵歲月遷空堂論往事猶有舊中涓  
陵下人言上年冬祭時有聲自寶城出至祔恩  
殿食頃止人皆異之

昌平木落高山出仰視神宮河峯崒昭陵石馬向天  
嘶誰同李令心如日有聲隆隆來隧中駿奔執爵皆  
改容莫弘自信先君力獨拜秋原御路東

本三簡復京詩天教李令心如日可要昭陵石馬來

漢書五行志成帝河  
平二年正月沛郡職官鎬鐵不下隆隆如雷聲

極度莫弘調劉文公曰君其勉之先君之力可濟也 僖三十  
二年晉文公卒將葬於曲沃出終極有聲如牛卜偃使大夫御

### 過郭林宗墓

路畔累累墓石多中郎遺愧定如何應憐此日知名  
士到死猶穿吉莫鞞

北齊書恩倖傳有開府薛崇宗常自云能使鬼帝信之經古冢崇宗問舍  
人元行恭是誰冢行恭戲之曰林宗冢復問林宗是誰行恭曰郭元貞父榮  
宗因前奏曰向見郭林宗從冢出著火  
明言莫鞞標馬鞞問臣家阿貞來否

### 介休

淡霓生巖際奔泉下石間龍蛇方起陸雀鼠尚爭山  
雨靜前村市秋凋故國顏介君祠廟在風義

### 質難攀

靈石縣東北三十五里神林晉介之推祠

古人有至心不在徇與忍國祿既弗加吾身可以隱  
去矣適其時耕此荒山畛更與賢母偕丘壑情同允  
卓哉鸞鳳姿飄飄高自引嚮使屬戎行豈其遜枝軫  
出處何必齊此心期各盡末世多浮談有類激小忿  
割股固荒唐焚山事可哂微哉仲子廉立操同蚯蚓  
遺祠君故鄉父老事惟謹牡丹異凡花春溪洗鉛粉  
況此黃蘆林晚送秋風緊鴈彼頑鈍徒英名代無隕

賈誼書屈原賦風漂漂其  
高逝兮夫固自引而遠去

霍北道中懷關西諸君

苦雨淹秋節屯雲擁霍州蟲依危石響水出斷崖流  
驛路愁難進山亭悵獨留遙知關令待計日吟青牛

河上作

龍門下雷首自古稱西河入自積石來出塞復逶迤  
呂梁懸百仞孟門高嵯嵯遠矣大禹功山澤得所宜  
靈跡表華巖金行鎮西垂黃虞日已遠吳怒尋干戈  
去年方鬪爭掘壕守朝那車騎如星流衣裝兼橐駝  
狼弧動箭鏃參伐揚旂麾嗟此河上軍來往何時罷  
今年暫竄兵邏卒猶譏訶手持一尺符予錢方得過  
追惟狄泉陷地底生蒼鶩冥窳來攫人遠路橫長蛇  
竄區恣刀狙飛走窮網羅萬類不足飽螻蟻其奈何  
你希神明眷下戢陽侯波行將朝白帝一訴斯民罹  
後鳥既長吟窮人亦悲歌歌止天聽回勿厭辭煩多

水經注晉永嘉元年維揚東北步廣里北陷有二鵞出蒼色者飛翔冲天白色者止焉後五年劉曜王彌入維帝居平陽

### 雨中至華下宿王山史家

重尋荒徑一衝泥谷口牆東路不迷萬里河山人落  
落三秦兵甲雨淒淒松陰舊翠長浮院菊蕊初黃欲  
照畦自笑漂萍垂老客獨騎羸馬上關西

### 過李子德

憶昔論交日星霜一紀更及門初拜母讓齒忝爲兄  
樹引流泉細山依出月明居在月明山下相看仍慰藉均不負  
平生

積雨秋方漲相迎到華陰水驚龍鬪駛泥怯馬蹄淩  
尚阻東軒佇多煩瀨口尋白雲清渭色聊足比君心

晉陶淵明停雲詩露露爲休雲濛濛時雨八表同昏平路阻靜寄東軒春醪獨坐良朋悠遊搔首延佇文選任彦升有詩三贈郭桐廬出谿口見侯余說未至郭仍進村

拜跪煩兒女追陪有弟昆令弟雲開王翦廟風起魏  
公原俠氣凌三輔哀思叫九閭向來多感激不覺倒  
清罇

擬卜南山宅先尋北道鄰關河愁欲徧縞紵竟誰親  
異國逢矜式郭君傳當時爲富平令同人待隱淪李義山便思來嶽頂  
揮手謝風塵

阜帽

阜帽冬常著青山老自看鳥憐池樹靜雲近嶽天寒  
淡食隨人給藜牀任地安閒來過道院不爲訪金丹

采芝

采芝來谷底汲水到池均不礙風塵際常觀氣化交  
晨光明虎跡夕霧隱鳶巢昔日幽人住攀厓此結茅  
寄李生雲霄時寓曲周僧舍課子衍生

歲晚漳河朔雪霏僕夫持得尺書歸三冬文史常堆  
案一室弦歌自掩扉古廟薪殘燒粥冷荒陂水少食  
魚稀何如長白山中寺莫使匡時雅志違

春雨

已下著  
雍歌群

平生好修辭著集逾十卷本無鄭衛音不入時人選  
年老更迂疏制行復剛褊東京耆舊盡羸瘵畱餘喘  
放跡江湖間猶思理墳典朝來閱徵書處士多章顯

何來南郡生心期在軒冕幸得比申屠超然竟獨免  
春雨對空山流泉傍清畎枕石且看雲悠然得所遣  
未敢慕巢由徒誇一身善窮經待後王到死終黽勉

顏氏家訓吾家世文章甚爲典正不從流俗梁孝元在藩邸時與西府新文  
史記無一篇見錄者亦以不偶於世無鄭衛之音故也後漢書申屠結傳  
黃瓊卒歸葬江夏四方名豪會帳下者六七千人互相駁論莫有及瓊者唯  
南郡一坐與相酬對既別執手曰君非聘則徵如是相見於上京矣瓊勃  
然作色曰始吾以子爲可與言也何意乃相拘致樂貴之徒邪因握手而去  
不復與言又曰黨錮之禍唯諸起然免於評論唐錢起詩初服傍清吹

寄同時二三處士被薦者

關塞逾千里交遊更幾人金蘭情不二猿鶴意相親  
鄰下黃塵晚商顏綠草春與君成少別知復念蘇純

後漢書蘇純字桓公性切直士友咸懼之至乃  
相謂曰見蘇桓公憲其教貴人久不見又思之

井中心史歌



崇禎十一年冬蘇州府城中承天寺以久旱浚井得一函其外曰大宋鐵函經銅之再重中有書一卷名曰心史稱大宋孤臣鄭思肖百拜封思肖號所南宋之遺民有聞於志乘者其藏書之日爲德祐九年宋已亡矣而猶日夜望陳丞相張少保統兵外來以復土宇至於痛哭流涕而禱之天地盟之大神謂氣化轉移必有一日於是郡中之人見者無不稽首驚詫而巡撫都院張公國維刻之以傳又爲所南立祠堂藏其函祠中未幾而遭國難一如德祐末年之事嗚呼悲矣其書傳至

北方者少而變故之後又多諱而不出不見  
此書者三十餘年而今復睹之富平朱氏昔  
此書初出太倉守錢君肅樂賦詩二章崑山  
歸生莊和之八章及浙東之陷張公走歸東  
陽赴池中死錢君遜之海外卒於瑯琦山歸  
生更名祚明爲人尤慷慨激烈亦終窮餓以  
沒獨余不才浮沈於世悲年運之日往值禁  
罔之逾密而見賢思齊獨立不懼故作此歌  
以發揮其事云爾

有宋遺臣鄭思肖痛哭元人移九廟獨力難將漢鼎  
扶孤忠欲向湘纍弔著書一卷稱心史萬古此心心

此理千尋幽井置鐵函百拜丹心今未死厄運應知  
無百年得逢聖祖再開天黃河已清人不待沈沈水  
府留光彩忽見奇書出世間又驚牧騎滿江山天知  
世道將反覆故出此書示臣鵠三十餘年再見之同  
心同調復同時陸公已向厓門死信國捐軀赴燕市  
昔日吟詩弔古人幽篁落木愁山鬼嗚呼蒲黃之輩  
何其多

宋末蒲黃  
黃石

所南見此當如何

禮記射義爲人  
臣者以爲臣鵠

夏日

渴日出林表炎風下高山火旻雲去微谷井泉來怪  
晨露薄不濡夕氛橫空殷百卉變其姿蕉萃侔榛菅

浚居廢寢興無計離人寰而况蚩蚩氓謀食良已艱  
眷此負耒勤羨彼濯流還素月方東生易忍桑榆間  
乃悟處亂規無營心自閒詎如觸熱人未老毛髮斑  
坐須爽節至一尊散襟顏

淮南子聖人之處亂世若夏暴  
而待暑桑榆之間適易忍也

### 梓潼篇贈李中孚

後漢書獨行傳李業字巨曄廣漢梓潼人也元始中舉明經除爲郎  
去官杜門不應州郡之命王莽以業爲酒士病不之官遂隱葭山谷  
絕聖名迹終莽之世及公孫述僭號素問業賢敬之故以爲博士業  
固疾不起數年述羞不致之乃使其大鴻臚尹融持毒酒奉詔命以  
朝業若起則受公侯之位不起賜之以藥融等皆勸之業乃歎曰危  
國不入亂國不居親於其身爲不善者義所不從君子見危授命何  
乃誘以高位重祿哉融見業辭志不屈復曰宜呼室家計之業曰丈  
夫斷之於心久矣何妻子之爲遂飲毒而死述聞大驚又恥有殺賢  
之名乃遣使弔祠贈貲百匹業子景逃辭不受蜀  
平光武下詔表其闕益都紀載其高節國畫形像

益部尋圖像先衰李巨游讀書通大義立志冠清流  
憶自黃皇臘經今白帝秋井蛙分駭浪嵎虎拒巖幽  
譬旨鴻臚切徵官博士優里人榮使節山鳥避車驕  
篤論尊尼父清裁企仲由當追君子躅不與室家謀  
獨行長千古高眠自一丘聞孫多好學師古接姱修  
忽下弓旌召難爲澗壑畱從容懷白刃決絕卻華輈  
介節誠無奪微言或可投風回猿岫散霧卷鶴書收  
隱痛方童鼎嚴親赴國仇尸饔常并日廢蓼擬填溝  
歲逐糟糠老雲遺富貴浮幸看兒息大敢有宦名求  
相對銜雙涕終身困百憂一聞稱史傳白露滿梧秋

和王山史寄來燕中對菊詩

雪滿河橋歸轡遲十行書札寄相思楚臣終是餐英客  
愁見燕臺落葉時

關中雜詩

文史生涯拙開河歲月勞幽情便水竹逸韻老蓬蒿  
獨鴈飛常迅寒雞宿愈高一闕西華頂天下小秋毫  
皇漢山樊久興唐洞壑餘空嗟衣劒滅但識水煙疎  
寥落三都賦棲遲萬卷書西京多健作儻有似相如

時寓富平米文學樹  
滋齋中藏書甚多

宋三僧達和珣耶王攸古詩塗周爲藪澤皇漢成山樊梁江淹從建  
平王游紀南城詩年積衣劒滅漢書楊雄傳有薦雄文似相如者

谷口耕畬少金門待詔多時情尊筆札吾道失弦歌  
夜月解雞樹秋風下雀羅尚畱園綺跡終古重山阿

漢書王貢兩龔鮑傳谷口無子竟不訖其志耕於巖石之下名震于京師  
樓援傳與谷永俱爲五侯上客長安號曰谷子雲筆札樓君如唇舌 三國  
志注引世語劉放孫資共與饒任夏侯獻曹輩心內不  
平數中有難樓樹二人相謂曰此亦久矣其能復發

往謝良朋盡雕傷節士空延陵虛寶劍中散絕絲桐  
名譽蔣蘭竝文章日月同今宵開敞篋猶是舊華風

與空生雲霞浩氣

第以反遺詩

史記屈原傳推此志也

雖與日月爭光可也

緬憶梁鴻隱孤高閱歲華門西吳會郭橋下伯通家  
異地情相似前期道每賒請從關尹住不必向流沙

山史新構小  
密將延工性

過朝邑王處士建常

黃鵠山川意相隨萬里翔誰能三十載龜殼但支牀

史記龜策傳南方老人用龜支牀足行二十餘歲老人死移牀處  
尚生不死龜能行急導引 唐王維詩鳩形將刻杖龜殼用支牀

寄子嚴

弟紆字  
已下屠維協洽

二紀違眷令撫心悲如何惟爾幼孤笑十畝安江沱  
不幸喪厥明猶能保天和今年已六十與吾亦肩差  
里人推祭酒品行無譏訶昔年遣兒來省我桑乾河  
兒言家頗溫歲得數困禾厨中列酒漿籬下羣雞鵝  
常時比鄰叟農談一相過亦有賦役憂未妨藝桑麻  
頃報得兩孫青蔥滿庭柯媿我半生來飄泊隨干戈  
偶至渭水濱垂釣臨洪波春雲開三峰秀出千丈荷  
行止雖聽天懷土情則那反躬計所獲孰與吾仲多  
顧此暮年心尚未甘蹉跎寄爾詩一篇當使兒子歌



寄次耕時被薦在燕中

昨接尺素書言近在吳興洗耳茗水濱叩舷歌採菱  
何圖志不遂策蹇還就徵辛苦路三千裹糧復羸膻  
夜驅燕市月曉踏盧溝冰京雒多文人一貫同淄澠  
分題賦淫麗角句爭飛騰關西有二士立志粗可稱  
雖赴翹車招猶知畏友朋儻及雨露濡相將上諸陵  
定有南冠思悲哉不可勝轉盼復秋風當隨張季鷹  
歸詠白華詩膳羞與晨增嗟我性難馴窮老彌剛校  
孤跡似鴻冥心尚防弋矰或有金馬客問余可共登  
爲言顧彥先惟辦刀與繩

郭璞江賦詠採菱以叩舷 揚子法言解人之賦麗以淫 晉書顧榮  
傳與州里楊彥明書曰吾爲齊王主簿恒慮禍及見刀與繩每欲自殺

次耕書來言時貴有求觀余所著書者答示  
年來行止類浮萍雖有畱書未殺青世事粗諧身已  
老古晉方奏客誰聽兒從死父傳楹語帝遣生徒受  
壁經投筆听然成一笑春風綠草滿階庭

晏子春秋晏子病將死鑿楹納書焉謂其妻曰楹語也子  
壯而示之梁吳均遊城將詩畱書應鑿楹傳功須勒社

雲臺觀尋希夷先生遺跡

舊是唐朝士身更五代餘每懷淳古意聊卜華山居  
月落巖阿寂雲來洞口虛果哉非荷蕢獨識太平初

畫境錄分表先生陳搏後唐吳興中進士也既而棄科舉  
之武當山又止房陵年七十餘三華山華雲臺應觀居之

硤石驛東二十里有西鵝路繇趙保白楊樹二  
百五十里至臨汝以譏察之嚴築垣封閉過此

有題

行人愁向汝州來前月西鷄禁不開弔古莫言秦法峻雞鳴曾放孟嘗回

雒陽

澗水成周宅邛山漢代京三川通地絡鷄火叶星精  
文軌同王朝蒐畋會卜征東門迎九鼎北闕望璣衡  
象魏雲常紫龍池水自清尊師延國老聽講集諸生  
金谷荒煙合銅駝蔓草繁曲多羌笛韻縣有陸渾名  
鶴望將焉屬鯨吞未息爭詎忘修禮樂何計偃戈兵  
赤伏看猶在蒼鷺起莫驚停驂觀雒汭微禹動深情

後漢書地理志斷載地絡

郡國志雒陽東城州名鼎門帝王世紀曰九鼎所從入雒陽伽藍記大北曰閭闔門漢曰上西門上有銅環瑤玉衡以濟

七政 東京賦建象魏之兩觀 維陽伽藍記九龍殿前有九龍吐水成一海 左傳僖二十二年秦晉圍陸渾之戎于伊川注允姓之戎居陸渾在秦晉西北二國誘而從之伊川遂從戎號至今爲陸渾縣也 三國志張飛傳思漢之士延頭鶴望

三月十九日行次嵩山會善寺

獨抱遺弓望玉京  
白頭荒野淚霑纓  
霜姿尚似嵩山柏  
舊日聞呼萬歲聲

少林寺

峩峩五乳峰  
奕奕少林寺  
海內昔橫流  
立功自隋季  
宏構類宸居  
天衣照金織  
清梵切雲霄  
禪燈晃蒼翠  
頗聞經律餘  
多亦諳武藝  
疆場有艱虞  
遣之扞王事  
今者何寂寥  
閑矣成蕪穢  
壞壁出游蜂  
空庭雉荒雉  
答言新令嚴  
括田任汚吏  
增科及寺莊  
不問前朝賜

山僧闢殯粥住守無一二百物有盛衰回旋儻天意  
豈無材傑人發憤起頽廢寄語惠瑒流勉待秦王至

唐武德四年太宗以臥東道行臺雍州牧秦王瑒請軍攻王世充  
寺僧惠瑒曇宗等殺世充姪仁則來歸賜地四十頃水碾一具

### 嵩山

位宅中央正高巍上界鄰蓄波含頽汝吐氣接星辰  
二室雲長擁三呼響自臻淳風傳至德孤隱祕靈真  
世敝將還古人愁願質神石開重出啓嶽降再生申  
老柏搖新翠幽花茁晚春豈知巢許窟多有濟時人

白虎通中央之嶽獨如嵩音河中央居四方之中可高故曰嵩高山 唐李  
林甫嵩陽懷頽抱汝含嶽屋交兩會 後漢書文苑傳多士譽臻 中庸質  
諸鬼神  
而無疑

### 測景臺

在登封縣東南三  
十里故告成縣

象器先王作靈臺太室東陰陽求日至風雨會天中考極三辰正封畿萬國同吾衰今已甚猶一夢周公

卓太傅祠

在密縣東三十里大縣鎮

拱木環遺寢空山走部民循良思舊德執節表淳臣  
几杖中興禮丹青御座親至今傳俎豆長接大隗春

後漢卓卓傳光武詔曰前密令卓茂京身自修執節淳固今以茂爲太傅封茂德侯食邑二千戶賜几杖車馬衣一襲絮五百斤朱祐傳永平中圖書二十八將于南宮雲臺其外又有王常李通竇融卓茂共三十二人

梁園

梁園詞賦想遺音雕績風流遂至今縱使鄒枚仍接踵不過貪得孝王金

海上

海上雪深時長空無一鴈平生李少卿持酒來相勸

### 五嶽

五嶽何時徧行游二十春誰知禽子夏昔是去官人

漢書王貢兩龔鮑傳北海禽  
蒙子夏儒生去官不仕於幹

### 贈張力臣

張君二徐流篆分特精妙獨坐淮水濱臨池伴魚釣  
京口躡寒蕪彭城塞荒藿扁舟浮漢江一攬關山要  
西上定軍山咨嗟武侯廟旋車下秦棧絕谷隨奔峭  
昭陵圖駿骨漢闕悲殘照石鼓在燕山望諸可憑弔  
還登尼父堂禮器存遺詔囊中金石文一室供長嘯  
諸子竝多材筆畫皆克肖削柑追宜官俗書嗤逸少

尤工蒼雅學漢鄙庸儒剝卻思舊游國轉瞬分疆徼  
古埃出夕烽平林延野燒惟此數卷書鳴琴對言笑  
持以易兒曹四海有同調莫浪逐王孫但從諸母漂

蜀志諸葛亮傳葬漢中定軍山景耀六年詔爲立廟 集古錄有後漢修孔  
子廟禮器碑 晉書恒書勢師宣官甚稱其能或時不持錢詣酒家飲因書  
其姓名觀者以擊酒計錢足而減之每書輒削而焚其楷梁鵠乃益爲  
版而飲之酒候其醉而竊其楷 韓退之石鼓歌義之俗書趨姿媚

子德自燕中西歸省我于汾州天寧寺

一載燕臺別頻承注問書天空烏鳥去秋到鴈行初  
共識班衣重偏憐阜帽疎輕身騎款段一徑訪樵漁

寄次耕

入雒乘軒車中宵心有愠儻呼黃耳來更得遼東問



六鼇成簸蕩夜宿看星河相對愁珠桂流民輦下多  
嘗披秋興篇欲作東臯計聞有二毛人年纔三十二  
歲暮西還時李生雲霑方讀鹽鐵論

積雪凍關河我行復千里忽聞弦誦聲遠出衡門裏  
在漢方盛時言利弘羊始桓生書一編恢卓有激旨  
發憤刺公卿嗜利無廉恥片言折斗筭篤論垂青史  
矧乃衰亂仍征斂橫無紀轉餉七盤山骨滿秦川底  
太息問朝紳食粟斯已矣幸哉荀卿門尚有苞丘子  
鹽鐵論引春秋曰其政悞卓恢卓可以爲卿相其政察察察可以爲匹夫又曰李斯與苞丘子俱事荀卿苞丘子飯麻蓬藜修道白屋之下

送康文學乃心歸邵陽

已下上章清灘

子夏看書室臨河四望開山從雷首去浪拂禹門迴

大道疑將廢遺經重可哀非君真好古誰爲埽莓苔

水經注徐水東南逕子夏陵北東入河又曰東南北有二石室臨側河崖名子夏室

友人來坐中口占二絕

不材聊得保天年便可長棲一壑邊寄語故人多自愛但辭青紫即神仙

昨過河東望首陽空山煙靄尚蒼蒼傳聞高士燕中返料理牀頭阜莢囊

清者五行志梁末童謠云黃塵汚人衣阜莢稻料理

送李生南歸寄戴笠王錫闡二高士

華山五粒松寄向江東去白雲滿江天高士今何處憶昔過湖濱行吟兩故人潛龍猶在水別鶴已來秦

江海多翻覆林泉異棲宿驚聞東市琴涕隕堂前筑  
去去逐征蓬隨風西復東風吹蘭蕙色一夜落關中  
五陵生蔓草愁絕咸陽道平生四海心竟作終南老  
送子出函關南山望北山洞庭多桂樹折取一枝還  
訓族子潛

二紀心如昨詩來覺道同微禽難入海寒木久生風  
谷口青門外沙頭白蜺東不知耆舊里何處有龐公

郭璞游仙詩淮海變微禽吾生獨不化 史記正義三  
江在蘇州東南三十里一江東南上七十里白蜺湖

朱處士鶴齡寄尚書埤傳

昔我適濟南曾過伏生祠青山對虛楹零露寒高枝  
精靈竟何往再拜空階墀迫怵秦火焚豈意逢漢時

此書立博士天下亦一治嗟彼九十翁俟河未爲遲  
不厭文字譌百王賴著龜後人失其傳巧文惠多師  
忽見吾友書一編遠來貽緬想江上村弦歌類齊淄  
白首窮六經夢寐親臯伊百家紛紛說爬羅殆無遺  
論及禹貢篇九州若列眉上愁法令煩下慨淳風衰  
君今未大耋正可持網維煙艇隔吳門臨風苦相思  
爲招陽鳥來寄此懷人辭

哭李侍御灌谿先生模

故國悲遺老南邦憶羽儀  
巡方先帝日射策德陵時  
落照辭烏府秋風散赤墀  
君以崇禎十四年左遷南京國子監典籍南渡復官稱病不出  
逾八十當世歷興衰  
廉里居龔勝縣山隱介推清操

侔白壁直道叶朱絲函杖天涯遠杓衡歲序移無繇  
承問訊祗益歎差池水沒延州宅山頽伍相祠傳家  
唯疏草累德有銘碑灑涕瞻鄉社論心切舊知空餘  
歲寒誼不敢負交期

漢書龔勝傳勝居彭城原里 周禮大祝作六  
辭六曰詠注詠謂積累生時德行以賜之命

### 華下有懷顧推官

秋風動喬嶽黃葉辭中林策杖且行游息此空亭陰  
伊昔吾宗英賦詩一登臨爾來閱三紀斯人成古今  
邈矣越石嘯悲哉嵇生琴鐘呂久不鳴乾坤盡聾聵  
爲我呼蓐收虎爪持霜金起我九原豪爾彼田中禽  
下見采薇子舊盟猶可尋神理儻不暎久要終此心

晉語靈公夢在廟有神人面白毛虎爪執鉞立於西河召史墨占之  
對曰知君之言則蓍收也天之刑神也 易師六五田有禽利執言

華陰古蹟二首

平舒道

何處平舒道西風卷夕雲空畱一片壁爲遺瀉池君

回谿

回谿非故隘九虎失西東惟有黃金匱依然又省中

悼公

上章  
渚灘

獨坐寒牕望藁砧宜言偕老記初心誰知游子天涯  
別一任閨燕日夜深

江淹悼公詩總集歲  
時阻閨燕日夜深

北府曾終戰士衣酒漿賓從各無違虛堂一夕琴先

斷華表千年鶴未歸

廿年作客向邊陲坐歎蘭枯柳亦衰傳說故園荆棘  
長此生能得首丘時

貞姑馬鬣在江村送汝黃泉六歲孫地下相煩告公  
姥遺民猶有一人存

摩天黃鵠自常饑但惜流光不可追他日樂羊來舊  
里何人更與斷機絲

冬至寓汾州之陽城里中尉敏浮家祭畢而飲  
有作

歲時常祭祀朝夕自饗飧尚是先人祚誰非故國恩  
枯畦殘宿雪凍樹出初噉奠醑求何所鄰家借小園

流離踰二紀，愴怳歷三都。墮甑煤還拾，承槽酒旋沽。  
荒庭依老檜，空谷遺生芻。白髮偕宗叟，相看道不孤。

呂氏春秋類曰：對曰：衛者煤室，入甑中，棄食不辨，  
曰：提而飯之。劉伶酒德頌：於是方捧腹承槽。

王孫猶自給一頃，豆萁田今日還相飯。千秋共爾憐  
青門餘地窄，白社舊交偏。傳與兒曹記，無忘漢臘年。

寄題貞孝墓後四柿

重光作

四柿先人種，旁臨一畝池。霜彫萱草色，日映女貞枝。  
舊業從飄蕩，非村得慙遺。清陰常不散，勿使衆禽窺。

爾雅：柿有七絕：一多陰，三無鳥巢，四  
無蟲，五霜葉可玩，六嘉實，七落葉肥火。

贈衛處士嵩

抱疾來河東，息此澮水旁。寒禽繞疎枝，百卉沾微霜。



幸逢同方友典墳共相將逢萌既解冠范丹亦絕糧  
弦歌足自遣感慨論百王王報遂頓首孝獻封山陽  
一身殉社稷自古無先皇與君同歲生中年歷興亡  
衰遲數儔輩落落晨星行旅懷正鬱邑矧乃多病妨  
著書陳治本庶以回穹蒼遙遙千載心眷眷桑榆光

謝李子德二十四韻

重九作臨

戴雲來青鳥開雲見素書故人心不忘旅叟計何如  
上國嘗環轍浮家未卜居康成嗟耄矣尼父念歸與  
忽枉佳篇贈能令積思摠柴門晴旭下松徑谷風舒  
記昔方傾蓋相逢便執袂自言安款段何意辱干旌  
適楚懷陳軫游燕弔望諸詎驚新寵大肯與舊交疎

不磷誠師孔知非已類違老當爲圃日業是下帷初  
達夜抽經笥行春奉板輿誅茅成土室闢地得新畬  
水躍穿冰鯉山榮向日蔬已衰耽學問將隱悔名譽  
客舍輕彈鋏王門薄曳裾一身長孤落四海竟淪胥  
契濶頭雙白蹉跎歲又除空山清澹曲喬木絳郊餘  
不出風威滅無營日景徐但看堯典續莫畏禹陰虛  
地濶分津版天長接草廬一從聽七發欲起命巾車

贈毛錦銜

來時冬雁飛去日春風度浮雲戀故山翔鳥懷高樹  
一別遂西東各言難久駐去去慎所之長安有歧路  
亭林詩集卷之五終